

重修兩淮鹽法志

兩淮鹽法志卷六十五

轉運門

疏濬一

粵稽往籍兩淮南北運鹽之渠其大者六自淮安歷寶應高郵抵揚州至儀徵爲漕鹽運河自揚州灣頭分支入開東經泰州歷如皋抵通州爲上河高寶以東泰州以北興化鹽城境內陂湖所匯爲下河上河自如皋南折而東達通州九場是爲通州串場鹽河下河自泰州海安徐家壩起歷富安等十一場至阜甯射陽湖出口爲泰州串場鹽河咸豐以前自清江渡黃河入漕運河

分支而東是爲鹽越河直達板浦諸場則爲淮河凡淮南二十場鹽艘抵江廣者胥由上河出灣頭闡入漕鹽運河以達儀河出大江淮北三場鹽艘由鹽越河抵淮所分行上江河南之道則淮運河洪澤湖皆必由之境其廬州府屬暨滁州來安桐城鹽艘則自烏沙河歷漕鹽運河而達大江此淮南北運鹽河渠大略也秦壩負州城東北橫亙兩河之間以地勢高下而上下河分焉上河之道通泰鹽艘全出其中而下河運鹽所經惟秦州十一場會集於青浦角南抵壩此上下河運鹽分徑也通泰鹽河支分脈貫隨地異名今彙其疏濬分併及

隄堰閘壩之役嘉慶十一年以前悉錄舊志自道光迄於今有案可稽者必加搜採附以導黃諸議皆所以保淮巖云志疏濬

### 漕鹽運河

乾隆三年署江蘇巡撫許容等奏九屬民生一勞永逸案內如灣頭串場運鹽各河舊係商人疏濬今淮商黃仁德等捐銀三十萬兩以佐興修淮揚水利

乾隆八年四月淮揚道陳景瀛鹽運司朱續暉會詳三汊河故道南係瓜河西則儀河今將高旻寺前瓜河之舊口門建壩堵築在洋子橋迤下另開新河一道以爲瓜

州運河之口門較舊口門移上一百二十九丈此段河道前實運河今則改爲儀河每交冬令水涸歲須濬治實係漕鹽要津故六年挑濬之費撥河庫銀一千兩運庫銀六百餘兩分項給發今冬挑濬合照乾隆六年發運河二庫之數永定章程以後視估計錢糧多寡悉照前數科算其報銷時河庫錢糧由江防廳造報運庫錢糧由江都縣造報經總河巡鹽御史批允

乾隆十八年十二月鹽政吉慶奏江都縣所屬三汊河口起至儀徵縣江口止一帶運河淤淺估需築壩挑河土方料物銀二萬八千二百十七兩二錢四分零皆如式

挑濬一律深通遵照乾隆十三年准銷之例造報經部覆准行

乾隆二十年十二月鹽政普福奏江都縣之三汊河口門起至儀徵江口止一帶運河爲江廣漕鹽要津自乾隆十八年大挑之後歷經三載流沙復積茲據運司盧見曾淮揚海道吳嗣爵會詳委員逐段探量自江都縣三汊河口門起至儀徵縣交界止又儀徵境內徐家窰迤下起至攔潮閘外江口止水深四尺二三寸至五六七八寸不等尙在深通可緩惟儀徵境內烏塔溝迤上起至徐家窰止河長二千五百丈甚屬淤淺應乘此冬令

內淮鹽法司卷六十一  
築壩挑濬一律深通以利鹽漕重運並江口撈淺一段  
實需銀一萬一千七百十二兩二錢五釐零按挑河成  
例覆核並無浮多照例於運庫減半餘平項下動支經  
部覆准

乾隆三十二年二月鹽政普福奏江都儀徵二縣境內一  
帶運河爲漕鹽經由要津上接淮流下通江潮流沙積  
聚最易淤墊自乾隆二十一年大挑之後歷今十載有  
餘雖節年逐段挑撈久未通身大挑漸至淤淺亟宜疏  
濬深通以利漕鹽運行所有工費實需銀二萬二千六  
百十八兩四錢四釐循例於運庫減半餘平項下動支

部議如所題辦理

乾隆四十一年十一月運使朱孝純淮揚道松齡會詳江  
都儀徵二邑河道上承淮水下達大江日夜兩潮泥沙  
停積委員勘明江都縣三汊河口門起至儀徵縣境內  
大張溝止水勢尙深毋庸挑濬其自大張溝起至響水  
閘止又響水閘下藥王廟延生菴止又黃泥灘一帶水  
俱淺涸應請挑濬以利運行其估工料銀九千八百六  
十一兩零循例在於運庫減半餘平項內動支經鹽政  
寅著等會題挑濬工竣題奉部覆准銷

乾隆四十七年正月鹽政圖明阿奏揚州自三汊河至儀



徵縣河道上年冬間因河底淤高通河商人咸願出貲挑濬不敢糜費庫項當經諭令總商江廣達等公同經理不必派委官役干預亦無須冊估冊銷見已通工完竣凡有泉眼及滾沙之處皆設法辦理一律深通再儀所天池係鹽船泊候擡掣之所近因淺窄商人亦一體公捐公辦

附儀徵關開鹽所橋

謹按明儀徵之東關開卽東關浮橋舊名通津橋景泰五年工部主事鄭靈建成化二十三年工部主事夏英更爲關

國朝康熙四十九年巡鹽御史曹寅重修有記別見碑刻  
乾隆四年三月更建浮橋八年十月修之又改橫木  
爲渡船三設巡役司其啟閉原其天池木關建自雍  
正十二年至攔潮羅泗通濟響水四關則專利漕運  
鹽艘所不經惟冬季儀河水涸資其下板蓄水以利  
鹽運故修費多由運庫支撥儀關仍歲貼繩板銀七  
十兩云

乾隆十八年四月江南河道總督高斌等會題儀徵縣境  
內之攔潮關自雍正十三年重修之後歷今年久關底  
石塊及鎖口關石梅花等椿陸續沖刷不能關束閘橋

朽損亟應興修以資啟閉所需料物夫工銀兩於兩淮  
運庫挑河築壩款內動支工竣題奉部覆准銷銀一千  
五百六兩九錢三分零

乾隆二十九年九月鹽政高恆等題准淮北烏沙河之水  
利裕民二閘令烏沙河巡查管

乾隆三十一年三月江南河道總督李宏等題儀徵縣境  
內通濟羅泗二閘節經江淮水勢往來冲刷加以乾隆  
二十九年伏秋水異漲沖擊見今兩閘金門等處倒  
卸殘缺脹裂敲斜又攔潮等三閘橋樑朽損亟應築壩  
拆修以利啟閉工竣題奉部覆准銷銀九千五百兩四

分零

乾隆四十二年十月江南河道總督薩載等會奏儀徵縣境內臨江運口之響水閘自雍正十三年重修之後歷年久遠椿木閘底均已朽壞難資啟閉亟應修補以濟鹽漕運行估需工料銀二千三百九十二兩一錢七分八釐工竣題奉部覆准銷

上河

康熙四十年二月戶部覆准巡鹽御史赫碩色疏言前御史阿爾法任內己卯綱淮南北綱食引鹽未掣者七十一萬二千八百四十五引皆因連年下河地方水淹場

竈產鹽不足又兼鹽河久淤商人借端延捱非及早定  
限趲運恐致課額有虧所贖引鹽俱限於四月內全清  
惟自灣頭以至秦州百里之內河路淤淺不得不亟爲  
挑濬所有工費不敢動支正項願同運司梁世勳司庫  
赫昇額節用捐資並勸諭眾商捐挑以垂永久

雍正十年五月工部覆准河道總督嵇曾筠疏言揚州府  
屬有芒稻河一道上流高郵邵伯金灣三滾壩並灣頭  
人字河諸水由此入江最捷向建石閘二座因時啟閉  
俾鹽船糧艘民田均有攸賴從前原係總河管轄緣修  
建錢糧例係商捐不動正帑是以歸鹽臣管理遇修築

之時估冊雖由廳汛而承修承管竟委商人既不熟諳工程修築未免草率屢報坍塌積土充塞閘門不特水道壅滯高郵江都民田受患且恐有礙鹽船糧艘宜將芒稻河閘座工程歸印河官管轄設立閘官閘夫相機啟閉責有攸歸遇有修理卽委河員會同地方官勘估承修專歸河員所需工料銀兩仍動商捐款項赴運庫領用閘官閘夫俸工亦在運庫商捐款內動支

謹按次年又設仙女廟馬橋天關二座看閘小船夫二名臨時用夫四十名水緩則止

乾隆四年正月河道總督高斌會同江南督撫奏通州秦

興如皋河渠脈絡相貫通州暨兩屬沿海十場之鹽場  
河本與江都灣頭相接今多淤阻並宜開濬深通從之  
乾隆八年正月部議覆准兩江總督尹繼善等會題開濬  
通江河道一於六閘之上建立大閘開河一道由仙女  
廟鎮東出口由白塔河出江一將董家溝壩趾全啟濬  
治深闊分灣頭閘內之水入江

謹按此後鹽船因董家溝開壩水勢湍急有吸溜之  
險盡由小仙女廟新河出新閘入運河商人王永豐  
以鹽船抵閘必須絞關請於對閘河西舊越河一道  
挑濬深闊卽將河土填壅關基多用木椿加以石工

建屋以置絞關並葺治沿途繹路橋梁以資經久凡  
需工料銀二千四百五十九兩有奇巡鹽御史準泰  
批允

乾隆二十一年四月署江南河道總督富勒渾題芒稻東  
西二閘乃高寶邵伯諸湖入江之尾閘漕鹽各船濟運  
之關鍵全賴閘底堅固方資啟閉今自乾隆十七年修  
補之後歷年水勢沖激以致西閘東一門二門三門四  
門五門六門東閘第二門底石沖跌阡塘地椿朽壞又  
東閘東一門第三門西閘第七門底石沖動均應修補  
堅實所需工料於鹽課正項內動支工竣題奉部覆准



銷銀五千十六兩五錢四分零

乾隆三十一年五月運司趙之璧詳江都縣裏河北岸向有廣福橋一座爲鹽船行旅往來要道因年久坍塌急應修理惟橋下水道與下河相通私鹽易於透漏是以每年設椿防護不如改建石閘一座設板啟閉可資經久且於商民均便估需工料銀六百六十九兩六錢零請於挑河築壩項下動支經督河鹽政批允

乾隆三十七年十一月鹽政李質穎奏甘泉縣境內有運鹽河一道自金灣閘起歷江都縣境而至泰壩之天池  
絲長九十餘里爲通泰如皋糧艘及淮南鹽船必由之

路年久未挑河底淤墊又河身北岸有孔家涵一處分洩河內西來之水北入艾陵湖緣口門過大宣洩太甚水小易致河內淺隘水大又易淹涵下民田今年三月間因河水淺澀將涵口兩頭鑲築土壩收小口門設板啟閉旋據該地民人呈請無須拆壩庶幾旱潦有資臣隨與督河二臣商建石閘相機啟閉則蓄洩由人鹽運田疇兩均有裨委員估需挑河夫工銀六萬五千八百五十三兩九錢零建閘工料銀一千六百八十四兩八錢零請循例於鹽課內照數借支分作癸巳甲午二綱在淮南眾商名下按引納還歸款所需閘夫孔家涵舊

設橋夫四名今旣建閘應卽令兼司啟閉並令泰壩官就近兼管毋庸另設閘官奉

硃批如所議行欽此嗣經兩江總督高晉覆奏孔家涵爲鹽河之分流下注之水入艾陵湖由高郵之三垛河泰州之蚌蜒河興化之官河匯注串場河出范公隄各閘歸海其上游金灣閘下之水由人字河分流東注來源雖多去路甚廣每遇水小之時洩水過多鹽河易淺該涵河頭本有涵洞一座年久未修兩崖日漸刷寬向做草壩裹護以資收束其實在蓄水而不重宣洩也惟是春夏水小之時在鹽船利於蓄水濟運而涵外民田有時又

借此下注之水灌溉舟楫並賴以往來曾准鹽臣劄商  
建閘蓄水啟閉由人實爲便利緣鹽臣李質穎原奏未  
曾分晰聲明一似建閘以禦盛漲致壓

聖懷臣復查該處分洩鹽河之水去路本廣卽或水大之時上  
有芒稻閘南有溱潼白塔百汊等閘均可分洩歸江不  
致潰溢淹及下游民田況泰州運鹽河常患水小不慮  
水大今建設閘座旣可免洩水過多之患亦可省每年  
築草壩之繁而以時啟閉於鹽運田疇往來舟楫均有  
裨益至一切啟閉事宜原奏僅交秦壩委員兼管誠恐  
不能兼顧查芒稻閘閘官距孔家涵甚近應責成該閘

官督率橋夫專司其事並令揚州府知府會同泰壩委員就近稽查奉

硃批如此詳奏自係應舉之工知道了欽此

乾隆五十五年十月鹽政全德以通泰各場河並六閘至泰壩大河河底淤高一遇水少鹽船輒須盤駁奏明大加挑濬估需銀二十九萬餘兩據各商稟請於運庫借支興工分作五年按引帶完飭將急應興挑之白塔河等處先行趲挑完竣其泰屬趙公橋等處并通屬呂四等南五場及楫茶角斜豐利三場各河道因歷年水勢充裕船行無阻咨明工部停止將來設遇淤淺再行奏

挑所有已挑之白塔河等處工料銀十二萬五千八百二十九兩一錢八分一釐題奉部覆准銷其未挑存庫銀十六萬九千三百十三兩八錢六分九釐於嘉慶六年提督衙門奏明修理旗營衙署堆房撥解銀十萬兩餘銀六萬九千三百十三兩八錢六分九釐於九年戶部行查閒款案內呈奉部覆造入季冊報部酌撥

### 下河

謹按泰州以北高寶以東陂湖匯注並稱下河其勢俱直趨東北貫串場河出丁谿小海草堰白駒劉莊等七閘以入海者十之七注鹽城廟灣以入海者十

之三蓋南自大泊北抵射陽湖其中鉅細分支數百  
而其有關鹽運者在北自廟灣射陽湖南岸入口歷  
鹽城縣至何垛場爲北串場河自何垛至富安爲南  
串場河在南則爲東臺等場赴壩一途由青浦溱潼  
淤溪以達泰壩其他則俱與運鹽無與也劉莊伍祐  
新興廟灣四場未隸秦分司之先其鹽艘俱西南行  
經鹽城興化諸河高郵州北門以北折入漕鹽運河  
自乾隆元年改隸後並抵泰壩非復故道

乾隆二十二年六月協辦江南總河嵇璜奏淮揚運河東  
隄減入下河之水自邵伯以北者歸海以南者歸江查

歸海之路從前所建各閘丁谿小海地勢外高不能洩水其草堰劉莊伍祐新興等場內皆地勢得宜分注鬪龍港新洋港等口歸海惟劉莊場之大團閘至新興場之石礎閘相距五十五里中間並無一閘應請於伍祐場之沿窪口蔡家港地方添建五孔石閘二座開挑上下支河引歸新洋港入海又石礎閘天妃越閘兩牆裏頭尾土俱塌應一併修補各閘下支河淺者應挑又沿海之射陽湖灣曲太大洩水不暢竟有東西僅隔里許而南北繞大一灣至數十里者應併挑通徑捷歸海至串場河以西見今淤塞者如泰州之孔家涵鹽城之岡



溝河皮岔河亦須疏濬又高寶運河東隄原設石閘十餘座水大則洩以歸海水小則藉溉民田今郎兒閘子嬰南閘并邵伯之三閘年久傾圯應請拆修以上皆下河歸海之路查河湖水勢歸江近而歸海遠歸海紆迴而歸江徑直多一分入江之路卽少一分歸海之水臣查運河歸江之路芒稻閘董家溝石羊溝廖家溝四處閘壩共寬八十六丈邵伯以南逆河東隄舊設有金灣六閘金灣滾壩東西灣壩鳳凰橋壁虎橋灣頭閘等處共寬九十餘丈上下相應用以導水入江今查東隄僅金灣六閘并灣頭閘過水通計七閘口門止寬十二丈

八尺尙不如芒稻東西二閘之寬鳳凰橋止南木橋過水甚爲微細東西灣壩面本高金灣滾壩淤土久積以致運河之水不能及時宣洩應請將金灣滾壩刨低一尺東灣壩改低二尺五寸鳳凰壁虎二木橋下淤灘一併挖深比運河底高七尺爲准西灣壩形勢不順無庸挑挖應將東灣壩添寬十二丈壁虎北木橋之上另開河頭十二丈添建木橋一座匯入壁虎橋引河內以資宣洩又金灣閘底尙高應將北閘底改低一尺東灣鳳凰壁虎等橋壩外支河照所改壩脊一律挑深方得過流無滯又邵伯西岸諸港口爲湖水遞入運河之咽喉

已經疏濬完竣惟諸湖遞注之引河多淺阻不暢每致積水盈滿湖中應將黃子湖通連朱家湖之湯家絆引河改向西南疏濬寬深再朱家湖通連董家湖之王家莊地方開挑新引河一道引水直入董家湖以達孔家橋形勢灣曲請於東首另挑引河入尤家窪下接挑新河一道由蕪城墩後引入越河再將越河加挑寬深節節引導諸湖積水溢流入運由鳳凰壁虎二橋出廖家溝等壩歸江又運河寶應之竹絡壩外灘漸高難資宣洩應於竹絡壩之南三里溝地方建設滾水石壩一座庶山寶水勢可以平緩以上皆湖河歸江之路查芒稻

閘河乃兩淮鹽船必由之路若下板堵壩以濟鹽運則  
河工坐誤機宜若全開閘壩以利河湖則鹽船恐致淺  
阻查灣頭至丁堰之運鹽河道見在淺深不一所以芒  
稻閘一經啟板卽虞淺阻應請勘估興挑以芒稻西閘  
底水深五尺爲度使運鹽河內長存五尺底水則鹽船  
可以過行而沿江閘壩可以長年啟板再下河各州縣  
小港支渠不可數記豈能普例興挑應請責成地方官  
於農隙之時查有湮塞令里民逐年開挑挑出之土卽  
堆成圩岸以護田疇庶數年以後渠港通達旱潦有備  
其應修各工內歸江者列爲急工歸海者列爲緩工仰

懇

敕下督河撫鹽諸臣會議興舉所需銀兩分別地方鹽務河工於各屬庫內動支統候會議辦理奉

旨允行

乾隆二十六年五月署兩江總督高晉等會奏下河各州縣境內支河汊港及田閒積水向來俱匯入串場河北流二百餘里於鹽城境內之石礎天妃等閘歸海道遠紆迴躡難消涸民間雖挑溝築圩不足以資捍衛查范公隄縣互六百餘里串場河自南而北向建石閘十八座每閘均有引河專爲洩水歸海之計見在石礎天妃

開引河寬深由新洋港歸海甚暢又興化境內之白駒  
青龍八竈大團等閘引河於乾隆二十二年經前副總  
河嵇璜奏准挑濬由鬪龍港歸海其餘迤南丁谿小海  
迤北之上岡草堰陳家沖等五閘緣彼時尙可通流列  
入緩工未卽挑濬年來水漫沙停有竟成平陸者各閘  
亦常備而不用臣等先後親往各該處上下查勘見有  
王家港水深八九尺至一丈二三尺寬十四五丈又有  
射陽湖寬深更甚若將丁谿小海二閘引河疏濬深通  
順勢再開一引河匯入王家港歸海又將上岡草堰陳  
家沖三閘各引河疏濬深通順勢亦開一引河匯入射

陽湖歸海因勢利導俾散漫之水裁灣取直匯歸深通  
之海口併力趨海則積水之區多一尺去路即可早消  
一尺積瀦並可早涸一尺田地奉

硃批甚好應行之事妥協辦理可也欽此行據淮揚河道等委  
員勘估請於運庫正款銀內動支給辦造冊詳題於二  
十八年四月挑竣題銷部議准銷銀八萬七千二百四  
十一兩七錢五分二釐

乾隆三十二年八月運司趙之璧等詳小海閘下引河爲  
泰州興化二屬及富安安豐梁垛東臺何垛丁谿六場  
諸河入海之尾閘應行挑濬深通以利鹽運估需土方

銀七千八百八十一兩七錢八分零在於各場商浮收  
鹽斤項下動支經督河鹽政批允

通州分司屬各鹽河

謹按宋咸淳中季庭芝制置江淮鑿河四十里入金  
沙諸場是爲通州場河之始明成化以後吳哲李孟  
晁張鎮諸人先後疏濬餘西呂四石港諸河見揚州  
通州各志今獨取其事之在於我

朝者書之

通州鹽河所歷九場從揚州之茱萸灣東南走四百里  
至通州治繞城四市爲隍東西貫城中支南北爲市河



西南者入江東北者入海入海過海門及諸鹽場城東  
北走亭河東走金沙場者爲金沙河西北二十里由許  
家環走石港場七十里者爲石港河又爲新河新河東  
七里爲仇家河皆與海通而金沙場之瞿竈港唐竈港  
西亭場之姜竈港餘西場之季竈港潘竈港皆與海通  
而南通江者爲天生港爲任家港爲狼山港皆在狼山  
鄉在永興鄉者爲灰港爲施家港而韓家港在文安鄉  
爛泥港在青幹鄉諸港與河江海通

西亭河在通州北二十里通運鹽河入西亭場金沙河  
在通州東二十里通運鹽河北入金沙場石港河在分

司北二十里通石港場舊運河在金沙場東西通西亭  
場官河在餘西場運鹽官河二道三汊南通大運河運  
河在豐利場西南一在馬塘場出如皋縣流入丁堰鎮  
閘口一在掘港場司前一在石港場前備倭營後一在  
西亭場西十里一在餘中場前東至餘東場一在餘東  
場前東通呂四場西通餘中場一在呂四場西通餘東  
場

角斜河在泰州東北一百二十里通角斜耕茶二場五  
團運河北盛北團河自天鷲蕩發源至鹽倉北盛南團  
河自天鷲蕩發源至鹽倉南豐北團河自海洋發源至

鹽倉南豐南團河自南新河發源至鹽倉新興團河自  
鰍魚港發源至鹽倉

新運河一道在金沙場東南至大運河北至便倉界

呂四場新開運河一道康熙四十三年因餘東運河坍  
入江心紳衿夏申書彭荇等呈請開通東接本場西暨  
餘東餘中二場

餘中場南運河一道康熙四十七年生員姜兆熊等因  
北運河折而淤淺新沙南漲會同各總商公捐分司黃  
家徵通詳院道開濬

乾隆二十年呂四餘東鹽河因在大江之北江灘坍入河

身商人捐挑繞河以便運鹽

嘉慶二年餘東呂四二場河道閒有淺澀商人捐貲挑濬  
附通州閒

乾隆四十二年十一月鹽政寅著奏通屬掘港豐利枌茶  
三場坐落如皋縣境地勢低窪上承泰州東臺及本縣  
諸水每遇水大之時枌茶場之小洋口尤爲聚匯該處  
逼近范隄水無去路從前雖分設石涵數處宣洩但涵  
洞寬止四尺餘寸高止三尺餘寸不能暢洩前鹽臣曾  
議三處建閘設板啟閉外禦海潮內洩諸水以閘多費  
重中止今臣確勘熟籌若於小洋口建造三孔石閘一

座每孔金門各寬一丈三尺遇上游水長卽將閘板啟  
放其原有之涵洞仍留分洩則隄內之水自不至於盈  
溢迨秋潮大汛仍可下板堵禦庶幾水患漸除劄商督  
臣高晉意見相同委淮揚河道會同鹽運司估計遊員  
承辦場境爲運鹽之地建費商捐無須動支庫項奉

硃批知道了欽此行令運司朱孝純淮揚道松齡會估飭委  
江防同知魏炯承辦旋據柝茶豐利兩場士民蔡羹等  
具稟該處土性浮鬆建閘無益又經委員勘覆經鹽政  
伊齡阿改建三孔兩磯心石涵洞一座責成柝茶豐利  
兩場大使遞年輪管

泰州分司屬各鹽河

謹按宋淳熙三年詔從張子正請築泰州月堰以遏潮水明白洪武以後歷有興作因時制宜已見淮揚各志沿革遞殊中更遷徙獨詳今制義歸畫一云

泰州鹽河達富安安豐梁垛東臺何垛丁谿草堰劉莊伍祐新興廟灣所歷凡十一場

康熙五年安豐徽商鄭永成倡議預借課本一萬一千餘兩挑濬五倉沙河竈丁陸續扣鹽抵銷每遇旱暵安豐獨蒙其利

康熙十七年開濬何垛場新河

舊爲車兒埭口

康熙二十五年監督史彩重濬白駒場東牛家河三十里  
至戚家團

康熙二十八年正月

聖駕南巡閱視河工眾商奏濬串場河工爲費浩大

特旨免商全挑祇照徐廷璽于成龍所題自丁溪場至白駒場  
三十七里仍令商挑

康熙三十年重濬白駒場西海溝河場西南白塗河俱西  
自興化縣一百二十里到場逾運鹽河東經牛家開口  
康熙四十四年河道總督張鵬翮疏請挑濬伍祐場運鹽  
河西南通興化縣至泰州壩計二百四十里卽串場河

也因場內兩岸民居稠密令開月河於西

康熙四十六年發帑疏濬安豐場串場河卽官河也

康熙四十七年徽商余維璿等借帑挑濬安豐場竈河

雍正二年安豐場商等捐貲濬治串場河

乾隆四年四月巡鹽御史三保檄據泰分司顧茹呈報新

興場應挑河一萬一千四百三十一丈九尺廟灣場應

挑河六千三百九十丈共土方築壩銀二萬七千八百

三十兩有奇查商捐銀三十萬兩原分五年帶還今已

未開徵已久本綱應還銀六萬兩諒已完納卽於此內

動支銀二萬七千八百三十兩零給總商赴新廟二場



協同各場大使募夫挑濬

乾隆五年泰州分司顧茹請照康熙四十七年之例借項挑濬富豐梁東何五場竈河令各竈於鹽價內扣還歸款

乾隆十年三月江南總督尹繼善等題准下河各工應將原奏議挑之高郵官河並蚌蜒梓辛車路白塗海溝興鹽界河東西官河南北串場河范隄添建閘座金門及閘下歸海引河俱擬爲急修其運鹽河通州城河丁堰河以至任家港等處擬爲緩修而急修之中如海溝車路等河及閘下歸海引河攸關洩水要道尤爲喫緊今

勒限於四月內首先挑濬至串場河亦應急修但正值各場鹽旺煎之時應俟本年冬末春初停煎之後併力趲挑再各工內如關鹽運者興修之後於商人有益所有估需銀兩應先於鹽庫內動支照例責令商人分八年還項旋經次第興挑完竣內急挑之南北串場河濬潼河大尖河十八里河海安新河共用銀二十五萬三千九百七十五兩九錢六分四釐零續挑之江都秦州通州如皋四州縣境內運鹽各河並楫茶角斜豐利掘港石港西亭金沙餘西餘東呂四等各場河及通州城河以至任家港江口共用銀二十三萬三千八百八十

六兩二錢三分一釐零於乾隆十九年三月經江南河道總督等先後核題奉部准銷

乾隆二十年三月鹽政普福批准運司盧見曾等會詳泰屬東河等南五場竈河水無來源易盈易涸雨多卽溢及亭垣晴久便淺是以建有各壩因時開堵以資節宣前因雨久竈河水長水利同知恐倒灌民田諭商將石灰等壩加倍高厚何堞場大使以有礙包垣具稟行據揚州府會同水利同知泰州分司勘覆嗣後循照舊例每年七八月大汛之期分司會同東臺同知各場員相機如竈河水勢將及包垣卽行開壩宣入串場河由丁

谿等閘歸海水勢一平卽行堵閉以防倒流致礙民田  
非當盛漲場員不得遽行開放而水當盛漲該州亦不  
得勒令堵閉其地勢卑窪之包垣諭令各商將挑河積  
土於臨河築立子堰以資障護嗣於三十四年運司鄭  
大進等以東臺同知奉裁所有經管閘座水利事宜改  
歸揚糧通判管理但揚糧通判遠駐邵伯一遇竈河水  
勢漫溢事在呼吸勢難緩待詳請責令分司就近協同  
東臺縣縣丞馳驛辦理仍移明揚糧通判存案經督河  
鹽政批准照行迨嘉慶六年東臺士民因開壩洩水恐  
淹民田稟經江蘇巡撫岳起飭行司道勘議批飭范隄

各壩毋許開放勒石永禁

乾隆二十年十二月鹽政普福奏秦屬富安安豐梁垛東臺何垛新興伍祐等七場運鹽竈河淤塞急需疏濬而竈地被災竈力不逮商人程可正等情願借款興挑應請先於鹽庫借支銀十二萬二千餘兩委員及時挑辦仍飭該商等於乙亥丙子兩綱照數帶完歸款再通屬呂四餘東兩場連界舊有鹽河一道因在大江之北年久江灘漸次坍入河身故於十里鎮五里墩兩處築壩保護尙未坍入之河見在商販往來俱係盤駁今據該場運商等呈請捐挑繞河十四里以便運鹽查呂四場

兩面環海一面臨江民竈所需米糧等物取給商販因有兩處盤壩之費各物較昂見已准其捐挑此外尙有石港枱茶等場年例應修竈河亦令卽時興工以濟附近貧民傭工餬口奉

旨允行旋經運司盧見曾詳委各場大使督同商竈與挑完竣共用過土方工價銀十二萬一千七百三十七兩九錢六分零詳咨工部核銷

乾隆三十年十一月鹽政普福奏泰分司所屬富安安豐等場有串場河一道爲運鹽要路而地勢較高河身窄小每易淤淺臣親自該處目擊河流僅存中間一條舟



稻田者不利開閘過水漸致有閘無板用土實填直待下河被水高阜盡沒然後挖放康熙七年

命郎中木成格等履勘復遣大臣會同河漕撫臣相視悉啟天妃石礎白駒諸閘申嚴其禁自此始收閘利

康熙三十八年建泰州何垛場草閘

雍正十三年九月巡鹽御史尹會一以白駒場南中北三閘日久傾頽不堪蓄洩海潮侵灌泥沙停積鹽船淤淺起駁多累於巡費內動支銀九百兩重修

乾隆元年二月兩江總督趙宏恩題准白駒場南中北三閘相隔寫遠令白駒場大使管理二閘安豐司巡檢管



理一閘鹽城縣石碇一閘歸鹽城縣縣丞管理興化小  
海場一閘歸小海場大使管理泰州草堰場一閘歸草  
堰場大使管理丁谿場一閘歸丁谿場大使管理廖家  
港草堰口二閘歸新興場大使管理又王家港新洋港  
二處海口每處應設犁船二隻混江龍二具每次春秋  
二汛拖刷二次每次以十日爲率王家港犁船混江龍  
責成泰州州同管理新洋港責成鹽城縣縣丞管理仍  
令東臺同知督令地方官公同實力拖刷

乾隆三年十二月署江蘇巡撫許容奏鹽邑之天妃口前  
督臣范時繹原同石碇等口一起議建閘座後恐土性

鬆浮閘難持久且因宣洩內水遂不建閘臣思內河之水潦固宜洩旱亦宜蓄無閘是靡所洩也海口之閘既蓄內水亦禦鹽潮無閘是莫能禦也臣面詢鹽城令衛哲治云土性並不鬆浮第以估銀二萬二千餘兩惜費而止然工程雖鉅計及被災賑濟所省實多請

敕下河督二臣會勘四年正月河道總督高斌等會奏鹽邑天妃無閘今歲缺雨鹹水內灌高低皆不能收石閘決宜早建臣等查勘惟浮面海潮往來停積沙泥不免鬆浮而二三尺之下卽係堅實可築但河面寬廣恐原估尙有不敷又興化之白駒南中北三閘年久損壞均應修

內河鹽運司卷之二  
三  
築以資啟閉三閘外之引河亦宜疏通以暢尾閘部議  
覆准興修

乾隆五年十二月吏部覆准總辦江南水利大理寺卿汪  
澂等以下河沿海河道旣爲鹽艘民田所資設閘啟閉  
始能相機宣洩除丁堰小海草堰劉莊四閘該處場員  
可以兼管外餘如新建之天妃閘白駒三閘上崗北草  
堰二閘距該場司均屬寫遠難以遙制請於天妃石礎  
二閘設閘官一員白駒三閘設閘官一員上崗北草堰  
二閘各設閘官一員庶各有專司鹽運灌漑均資利益  
乾隆二十一年兩江總督尹繼善等以范隄一帶閘座爲

下河眾水匯處其捍禦海潮宣洩內水全賴各閘完固相機啟閉查興化鹽城等處之天妃閘青龍閘及白駒南閘歷年已久一切磯心閘牆均多損壞必須拆修完整以資啟閉奏准動支運庫銀兩委員勘估興修完竣於二十四年題奉部覆准銷銀三萬四千六百五十七兩七錢五分零

乾隆二十六年六月工部議覆署兩江總督高晉疏稱范隄各閘爲高寶湖河宣洩尾閘鹽運河防咸資利賴其相機開放必須專員就近督率據議將原設各閘員照舊分管專司啟閉其劉莊場青龍八竈二閘逼近場署

原係場員兼管請仍歸場員管理至安豐司巡檢所管  
大團閘一座相距九十餘里難以遙制應請將大團閘  
歸併劉莊場大使就近兼管而各閘員向隸河工者並  
聽鹽政衙門兼轄應如所題准令各該員就近管理並  
將各閘員均聽鹽政衙門兼轄以專責成其各閘應需  
閘板繩索等項銀兩准於運庫正項銀款內動支仍責  
成東臺同知督率辦理至嗣後凡有修理閘務事宜動  
用運庫錢糧准令淮揚河道會同兩淮運使轉飭確估  
核詳河鹽二臣會辦奉

旨允行

乾隆三十九年九月兩江總督高晉等奏准東臺縣丁谿  
閘一缺裁汰歸併草堰閘官兼管

海州分司屬鹽河

謹按明嘉靖萬厯御史吳梯陳遇文等先後奏濬支  
家河薔薇河以存朱通漣河舊迹今昔既殊遺聞茫  
昧

國朝鹽越河自三壩分支而東洩運河及六塘石項諸河  
之水由武障義澤六里諸河入海貫串海屬三場板  
浦中正臨興之鹽運出其中葦管柴料亦出其中越  
河口建有石閘每歲夏啟冬閉視鹽船上下以爲節

宣而武障義澤六里三河口草壩亦視越河關之啟  
閉以時開塞因鹽賴其利故壩工出自商辦而以中  
河通判董之亦名中河要非專爲鹽運也

又按

南巡盛典淮北鹽河康熙二十六年河臣勒輔題請挑濬由清  
河縣歷山陽縣之朱元莊安東縣之平旺河達袁家  
河至海州之新安鎮武障河入潮河歸海其臨運之  
口門舊在清河縣西四十二年改運口於楊莊遂移  
鹽河口門於楊莊迤上之花家莊建造石閘以資啟  
閉雍正九年因大溜下移新勢不順將石閘堵閉改

建草壩爲淮北各場鹽艘運行並葦蕩左營暨各廳  
運料之要道其所經之清河山陽安東海州各邑民  
田藉以灌溉民間柴米船運藉以通行而中河盛漲  
之水亦於此分洩每年當冬春中河水小之時則將  
鹽河口門草壩堵閉以蓄水濟漕夏秋糧船過完之  
後則將草壩啟放以運送鹽柴船隻爲利甚溥但河  
身偏窄而河道又紆曲縣長從前宿遷竹絡壩口門  
通入黃河之水挾帶泥沙與王營減壩之水俱洩入  
鹽河往往易致淤淺阻礙鹽運其後竹絡壩與王營  
減壩旣皆節宣有制則黃水自無沙停淤淺之患復



於鹽河以下之武障河項家冲牛墩河六里河義澤河等處各建滾水石壩使水勢蓄洩有度惟在口門草壩啟閉合宜則運道民生與鹽運工料均資利益乾隆二十四年四月兩江總督檄行淮揚徐海等屬前因河道淤塞蒙

皇上下大發帑金興舉水利並經奏明禁止築埂設斷今查安東縣金家莊胡家樓一帶莊民於新挑民便河內填築土路阻塞上下河道並受其害除嚴飭該縣押令起除並將首先填築之人枷責示眾外誠恐各屬地方亦有似此攔河疊道者通行所屬印河各官將境內河道親往

查勘如有攔河疊道卽押令起除將填築之人量懲徧行曉諭毋許再築土埂阻流如地方官不查察禁止嚴行參處

乾隆四十六年正月刑部覆准署兩江總督陳輝祖等奏海州民人湯大愷叩

閘控告鹽商加築六塘河草壩以致漲水淹禾一案前經尙書額駙公福隆安等審將湯大愷照衝突儀仗例杖一百發近邊充軍其所控情節令督臣另行查奏茲查海州境內鹽河一道上自中河下至板浦達海南北一百三十餘里係運行淮北引鹽並葦蕩左營柴料及民間

米糧貨物之要津西岸爲南北六塘河東岸爲武障項  
沖義澤六里東門牛墩各河因六塘河上承駱馬湖水  
貫注鹽河入武障等河迤東入海往往水漲易盈水消  
易涸盈則有礙民田涸則有妨鹽運向於武障各河口  
築有草壩相機啟閉復於乾隆十一年二十七年經前  
督臣尹繼善鹽臣高恆先後奏明於各河口一律建設  
石滾壩以高於河底五尺低於鹽河西岸民田一尺爲  
准水滿則滾水平則止並於最低之項家沖石壩建立  
水誌以水漲四五尺爲度卽將各草壩開放宣洩水落  
時亦視水誌祇存五尺卽行堵築蓄水濟運商民稱便

三十六年黃水盛漲開放王營減壩減下之水由鹽河入海水緩沙停河身不無淺阻一時挑濬不及隨於武障項沖兩石滾壩上暫築草堰蓄水其啟拆亦視石壩所定水誌爲准係官爲經理並非商人私築四十年六月州民王均等因駱馬湖水不至而鹽河水大灌入南北六塘河低田被淹呈請將六塘河口門堵築經督河各臣飭道勘明暫准堵禦以衛民田是年十二月內水勢未消湯大愷等西鄉減則窪地無收輒以武障項沖等河草壩專爲蓄水運鹽不顧民田被淹私將項沖河草壩挖開壩夫稟明海分司轉移海州押令湯大愷等

內河鹽法志 卷之十一  
三  
修築詎湯大愷疑係分司偏護商人並思將草壩拆去  
西鄉卽可年年有收捏情赴控

行在茲據司道等勘審擬詳臣等會勘鹽商程端友如果私加  
草壩應照違

制律治罪今審係虛誣湯大愷除誣告輕罪不議外應照  
原擬充軍至該處鹽河不無淤墊見在咨會鹽臣委員  
勘明飭商挑濬遵照奏定水誌啟閉庶於運道民田均  
有裨益嗣於是年四月鹽政圖明阿具奏自春入夏河  
底存水漸增轉瞬糧船北上又須啟放鹽河閘進水以  
利鹽柴挽運此時若遽將全河勘辦促迫竣事徒費工

旨允行

需應俟初冬水涸覆勘興挑惟委員勘報最淺數處恐  
卽日鹽柴重運經行不免稽滯先將淤淺較甚處所迅  
督商人乘鹽開未開之前上緊挑濬俾得遄行奉

乾隆五十三年十二月鹽政全德奏准北鹽場坐落海州  
自場至永豐鹽垣有鹽河一道上承運河之水設有鹽  
閘一座春夏蓄水濟漕漕竣開閘運鹽每年黃水盛漲  
例應開放王營減壩並李家墩等處由鹽河出海黃水  
流過輒多淤墊商人於秋汛水落後捐貲撈挖動輒耽  
擱月餘以半年應運之鹽併在兩三月趕運往往不能

足額若不另籌運道則貽誤日甚見在鹽河之北另有張家河可通六塘河由六塘河可通場河其長一百三十餘里尙有河形加濬深通卽可行船惟張家河與鹽河間其間隔有平地不能通流查鹽闌之下王營減壩之上有地名沈家莊應從此處開挑一河計長八里以通張家河挑成之後每年俟漕船過竣仍啟鹽闌引運河之水流入另成新鹽河一道鹽船在此行走其舊鹽河卽築壩堵截開放王營減壩黃水亦不能倒灌而入惟新鹽河距永豐壩垣稍遠應更於張家河頭開一支河迤邐向東南十三里至方家渡該處有長隄一道隄

至永豐不及半里將鹽包扛擡過隄即可到垣雖增陸運而路途既近所費無幾所開新河有係民地者官爲價買核明錢糧若干由商代納查開挑鹽河例由各商捐辦惟此次工程較大各商一時不能湊集懇於運庫借支以應工需分五年按引帶完歸款部議覆准嗣經挑濬於五十六年題銷銀十二萬九千五百八十四兩三錢零

舊鹽河奏明歸於河員管理挖廢民田頃畝價值據准北各商照數公捐給發應完錢糧每年歸商代納俱經造具冊結咨送戶部

各場河

附開壩

豐利場運鹽河由汭河鎮經如皋至泰壩共二百八十



里

掘港場運鹽河由馬塘經汊河如皋至泰壩共三百里  
石港場運鹽河由馬塘經汊河如皋至泰壩共三百里  
金沙場運鹽河由西亭石港經如皋至泰壩共三百三  
十里

呂四場運鹽河新開小河由餘東十二里至石港一百  
四十里經如皋至泰壩四百四十八里

餘西場運鹽河由金沙石港等場經如皋至泰壩三百  
七十里

餘東場運鹽河由餘西經如皋至泰壩共三百八十五

里

角斜場運鹽河由本場至十八里河口出力乏橋至泰壩二百里

柃茶場運鹽河由本場至十八里河口出力乏橋至泰

壩二百里

以上通州

富安場運鹽河由本場串場河北經安豐西至泰壩一百三十八里西北至高壩二百七十六里

安豐場運鹽河由本場串場河西至泰壩一百二十里西北至高壩二百五十八里 滾水石壩在場署之南康熙五十二年商人公築老壩在北極殿後居民公築

內河鹽法 卷之二 三  
陡港子壩一江芬洋壩一天鷺蕩壩一盤兒頭壩一凹  
窰河壩一史家壩一楊家窪壩一皆康熙四十七年築  
以杜越場私販

梁塚場運鹽河自本場十八里河達殷莊大河由青浦  
溱潼淤溪至秦壩共一百二十里至高壩二百五十八  
里 窰河長六十五里東至馬路距海二十五里壩有  
六南壩鹽壩在場南新壩在場中減水壩單家壩在場  
北又減水壩一在場南

東臺場運鹽河自本場由西溪經時堰溱潼抵秦壩一  
百二十里至高壩二百五十八里 間壩五運鹽壩一

減水壩一石灰壩一又嚴家壩滾水石壩一孫家壩滾水石壩一此二滾水壩舊皆土築嘉慶六年易之以石上承梁埭安豐富安各場南來之水下注河埭丁谿由王家港鬪龍港入海

何埭場運鹽河由西溪至泰壩一百二十里至高壩二百五十八里 閘一在鹽倉口各新閘里民捐貲請於官爲之以蓄洩海河之水 又有中昏土壩係於嘉慶六年同東臺孫家壩嚴家壩一併改建滾水石壩

丁谿場運鹽河自沈家窰西至丁谿舊場五十里由石閘南串場河經何埭場至泰壩共一百八十八里西經

水經注卷之二十一 三十一

興化至高壩共二百七十一里 五孔石閘一在場南  
名曰南閘其水南至泰州會江淮之水由東市橋折場  
後又西折由永甯橋環繞一場之中 壩四一名南壩  
一名北壩久廢無存一名馮家壩去舊場五十里一名  
三壩在場東 又小海舊場閘一亦名南閘其水通秦  
州興化運河及各團竈海河 雙金門石閘一雍正七  
年重建 南越河一道因小團河岸人居稠密難以深  
濬故別開此河土壩二一在小海團東十里中昏竈一  
在場東古窰頭海河北岸通草堰海河隘口東通王家  
港出大海北通草堰鳴兒港隘口俱雍正七年建

草堰場運鹽河自石閘南串場河經丁谿何塚至泰壩  
一百四十五里西經興化至高壩二百二十里 石閘  
在場之南西通泰州興化運河北通各團海河 又所  
併白駒舊場石閘四場北二場南二建范公隄上四支  
合一下牛家河係高寶興泰四州縣洩水之門場北近  
場第一閘名牛家閘

劉莊場運鹽河由西南經興化至高壩二百四十里南  
由草堰場至泰壩一百九十里 又場北有泉溪場西  
北有新港黃浦港場南有橫子港場西南有筆濫港場  
東有七竈河東北有八竈河小團河大團河

伍祐場運鹽河西南由興化至高壩二百九十里南由  
劉莊草堰等場至泰壩二百四十三里康熙四十四年  
重濬因場內兩岸居民稠密另開越河於西

新興場鹽運河自本場至岡門鎮一百二十里達興化  
由興化西至高壩一百二十里南至泰壩一百二十里  
廟灣場運鹽河東屬竈西屬阜甯運道由射陽湖北達  
賀家溝入淮又東北入海南達高壩三百六十里達泰  
壩四百八十里 場南有浦子港匣子港蛤蜊港大場  
港陷鹿港鯤魚港分水港響水港通洋港通潮港俱射  
陽湖南岸場北有九竈港決港盤水灣獐溝賀家溝各

子港大新港二新港三新港四新港五新港大北港俱射陽湖北岸

以上泰州

板浦場運鹽河自本場至鹽關三里西南至永豐壩二百七十里往時過壩車運二三里至黃河口渡黃又車運四五里至草灣由小河而南達淮所 防禦南水大堰一道在場西久廢 又所併徐濱舊場運鹽河至板浦本場四十五里

中正場運鹽河自東辛疇接龍橋二十二里抵板浦關西南至永豐壩二百七十里往時過壩車運二三里至黃河口渡黃又車運四五里至草灣由小河而南達淮



所 防禦南水大堰一道在場西南久廢

臨興場運鹽俱由各海口出場舊皆海運至板浦洪河  
堰配重乾隆八年開濬河道於洪河北卞家浦築壩堵  
水名爲三汊河口海運至口起運七里儲於洪河堰摠  
重迨後卽在卞家浦摠重由板浦關驗放至永豐壩計  
程二百七十里往時過壩車運二三里至黃河口渡黃  
又車運四五里至草灣由小河而南達淮所 場之運  
鹽河舊有九道荻水口柘汪口潮河口朱峰口興莊口  
青口唐生口范家口小河口

以上海州

謹按場河竈河紀載所罕明嘉靖中御史朱廷立有

通濬三十場河之奏我

朝康熙十七年御史郝浴又飭商重濬之此外無聞也就今日運鹽河論之則淮南二十場均會於泰壩淮北三場均會於永豐壩各場煎鹽處又各有竈河土人或名之爲海河而實與海隔但河淺沙流易盈易涸運鹽舟阻每更陸運牛車推挽勞費閒關故時加濬治大抵出自商捐不更詳志云

以上皆嘉慶以前所濬河道事實其嘉慶道光以後水利另詳下篇

兩淮鹽法志卷六十五